

呻被穿櫃桶底 「黃店」反遭責難

發帖起底涉事「手足」 被斥管理不善玩公審



信「手足」一
成，戶口變零。
話說黃店「潮食閣」繼早前俾員工偷貨後，近日再傳出有員工監守自盜，成間舖4月份營業額竟然疑似俾店長同一同事偷晒。「潮食閣」嗰日嘅fb貼出多張涉事員工嘅相，仲有WhatsApp對話截圖，不斷哭訴舖頭已經蝕緊錢，仲質問對方點解仲要喺兒兒上搶錢。不過，思路新奇嘅黃絲唔止有同情「潮食閣」嘅遭遇，仲不斷質疑老闆管理不善，甚至講出「手足」有難急用錢，不滿老闆割席嘅說話。老闆後來唔知係咪惱羞成怒，竟然開post反駁，下場？當然係俾黃絲圍剿啦。

●香港文匯報記者 兩航



●「潮食閣」大呻俾員工穿櫃桶底。 ●「潮食閣」fb 截圖。 ●「潮食閣」老闆公開同店長嘅 WhatsApp 對話截圖。

「潮食閣」2月嗰陣已經因為俾員工偷貨而損失幾千蚊，當時老闆不斷講自己對員工點好，例如容許員工亂開公數、送啤酒員工飲等，結果落得「我本將心向明月，奈何明月照溝渠」嘅下場。點知事隔3個月後又出事，「潮食閣」老闆嗰日嘅fb講述事發經過，話說老闆每日理數都會將收信封放入信封，每隔一個禮拜先會攞走，半年嚟都相安無事，點知4月開始，每當老闆落舖開店長收信封嗰陣，對方多次話怕收錢擺攤舖頭唔安全，所以攞咗條住緊嘅酒店，

直至月底要交租同出糧嗰陣，店長先話收錢嘅酒店俾另一同事偷咗。要求7天內交還得個估。老闆其後即刻翻查閉路電視，發現根本係店長監守自盜，但又唔敢報警，所以只要對方7天內交返收錢嚟，結果當然得個估，激到老闆話唔排除追究法律責任。

揶揄：「『手足』有難急用錢，而(做)家割？」「馬永堅」亦揶揄：「不割席(席)！不篤灰！齊上齊落！櫃桶底相見！」「Raymond HO」就反問：「幫人還幫人，生意歸生意……穿櫃筒(桶)底係賊，(有)咩理由唔報警拉人？」「Sidney Chau」就話：「呢D(啲)野(嘢)你地(哋)自己私了吧！不要溫差佬了。」啱啱先俾人穿櫃桶底仲要俾人奚落，老闆終於忍唔住出post回應，聲言佢見到員工每日返10個鐘已經

好累，「我仲叫佢哋收工去銀行入埋數，你叫我於心何忍？」至於點解每日理數但又唔拎走收錢，老闆就死撐話佢每次返舖都有間店長，只係店長次次都答有啲。「Patrick Leung」就話：「係囉，你啲員工今次一定都係困難先會攞走收錢，咁樣公審佢你於心何忍呢？」「Camel Seng」就幫老闆諗辦法：「最佳方法，眾籌，買幾間舖(舖)都仲有大把錢剩……」「Chiu Pik Ho Bruce」就笑言：「『手足』靠得住，豬嚟會上樹。黃人會守法，和尚有頭髮。」

「黃App」疑收廣告錢 跌「同道」食偽黃店



●有網民大呻俾黃圈 app 「懲罰 Mee」 呢咗去偽黃店食飯。 fb 截圖



貨不對辦？有錢賺咁得囉。話說早前有人整咗個聲稱係用嚟撻起黃色經濟圈嘅手機應用程式「懲罰 Mee」，大批黃絲一窩蜂下載，認住跟住個清單幫襯就實有死。點知近日有網民喺facebook大呻中伏，事關個app竟然推薦佢去一個冇任何文宣，仲「叫人掃描『安心出行』」二維碼嘅偽黃店，唔少黃絲亦大呻有相同經驗，紛紛懷疑呢個app表面上就話幫黃圈，實質收錢就會賣廣告，所以先會跌咗「手足」幫襯偽黃店。

呻無「連豬」裝飾 要掃「安心」入店

黃絲fb群組「馬鞍山之友@36 之走為上着」嘅管理員「Chan Eric」近日貼文大呻中伏，事關佢用「懲罰 Mee」呢個app搵餐廳嗰陣，個app竟然推介佢去一個冇任何文宣，更加見唔到「Pepe蛙」「連豬」呢啲黑幕卡通嘅裝飾。唔少黃絲網民都好有共鳴，大呻食完呢間偽黃店後中伏。「Chan Eric」嗰另一黃圈app「和你pay」上發現，呢間舖竟然都被標為黃店。有網民就喺個app上面留言，批評呢間野完全唔似黃店。

「FDNOL」就質疑：「黃店但海報用『殘體字』？張張海報都係『支那』風格。」「Summer」亦攞頭：「網絡上沒有任何資料，為什麼是黃店？」「Chan Ho Lam」就懷疑：「係咪啲app收錢賣廣告咋？有幾點會唔收？以後『mee』『和你pay』呢啲app都係唔好亂信。」

●香港文匯報記者 兩航

盲撐「831」餐賣家 「軍火佬」死咬「初見」



香港文匯報日前報道，攞炒派嘅「軍火佬」針對黃店「初見」代訂另一黃店「徐記廚房點心」嘅母親節套餐嗰陣，暗示佢特登賣貴過原價，過河濕腳食水深，網民都加把口開個套餐食咗幾錢就要價831蚊好離譜，係食人血饅頭。面對「軍火佬」嘅狙擊，「初見」就選擇將原本宣傳代訂嘅帖文刪除，仲擺「徐記」上枱，話一切都係「徐記」做嘅，與佢無關。有網民亦揚揚，呢個根本就係「徐記」嘅原價，仲揶揄「軍火佬」只係針對「初見」，「唔知(仲)以為『初見』搶咗『軍火佬』條女。」黃人黃店不聽為咗利益你插我我插你，今次睇怕極可能又係涉及利益關係。

「初見」日前喺facebook發帖，話「徐記」嘅母親節套餐一早就係4月28日推出，個價錢亦係賣831蚊，根本同「初見」無關：「『初見』只是看見『徐媽媽』時常支援年輕人，所以才幫忙宣傳。」咁即係話，真正人血饅頭水深啲個係「徐記」啦！「初見」喺帖度仲放埋「徐記」原帖文嘅連結，擺返始作俑者上枱，但就假仁假義地叫講：「希望大家不要再攻擊『徐媽媽』。」明明啲網民係鬧緊個套餐賣831蚊咁貴，而且用「831」嚟做噱頭令人反感，但啲網民不但冇有關「徐記」，反而繼續狙擊「初見」，「軍火佬」就開live狙擊，話「徐媽媽」係「俾初見擺上枱」「被代表」。有人話個套餐，佢就好厚面皮咁講：「食理念有得平。」咦，咁你之前又鬧「初見」食水深呢？開高價個個反而唔鬧？

網民：以為「初見」搶咗佢條女。網民「黃心」睇唔過眼留言：「但我見係徐媽媽係(條)4月已出post；今次應該唔關初見事囉！」「黃筠婷」亦話：「個餐係直接同徐媽媽訂，咁(係)佢地(哋)set得貴。」「Cw Ch」質疑：「咁軍火佬都好好有心整死人啲，有曬(晒)証(證)明明可以繼續××初見……遲知道唔緊要，不過佢真係咬住『初見』唔放嘴，唔知以為『初見』搶咗『軍火佬』條女……好奇一點點事件係『徐媽媽』問題之後，仍然可以繼續講係『初見』問題呢？應該係『初見』好蝦d(啲)？」呢班黃絲咁咁內鬥，背後有咩原因就不得而知，但作為局外人嘅，最聰明嘅做法就係對呢啲黃圈中人敬而遠之，更加唔好認住食佢地只問立場不問是非、經常盲撐而以為佢哋錢易



●「初見」澄清「徐記」母親節套餐早在上月推出，與其無關，但照被「軍火佬」狙擊。 fb 截圖

講反防疫措施 何俊仁照掃「安心」



●陳克勤擲何俊仁用「安心出行」。 陳克勤 fb 截圖



要知道反對派究竟係講真話，千祈唔好齋聽聽講，而要觀其行，因為身體先係最誠實。成日拖特區政府防疫後腿嘅反對派，逢拉防疫措施必反，早前政府要求市民使用安全系數幾高嘅「安心出行」，就被抹黑成數據「送中」，不過「支聯會」主席、白鴿黨(民主黨)前主席何俊仁就被媒體影到，身體力行用呢款咁咁口口嘅危險App。但既行又被網民揶揄矛盾，更質疑佢咁做都唔知係咪想洗底。大家無睇錯，講緊嘅係曾經高調參與白鴿黨林子健釘書機世紀大騙局嘅何俊仁。本來大家都以為何俊仁一提起內地就「心驚驚」，覺得乜嘢匪夷所思嘅「壞事」都會內地發生，況且同路人成日「大膽估計」「安心出行」數據分鐘會直接「送中」，所以點都唔理到佢會咁聽政府話，乖乖拎部手機用個App。

網民：人前人後兩個樣

何俊仁唔單止要用「安心出行」，仲要被媒體影到，《星島日報》嗰日就登咗張何俊仁用「安心出行」嘅相。民建聯立法會議員陳克勤就係轉發兼揶揄：「何俊仁用『安心出行』會唔會『唔安心』呀？驚唔驚資料『送中』，行蹤泄露嘅？」唔少網民都紛紛恥笑何俊仁。「Alice Kee」話：「自己就對對自己方便有利嘅嘢，口噏噏(噏噏)就叫人地做損人不利己嘅事，這便是何生之人格表現。」「李啟立」就覺得：「銀主(民主)黨就係咁矛盾。人前人後兩個樣。」「Danny KF Hon」都好有體會：「佢地(哋)全部都係(係)好戲之人，立法會內，會外就已經幾面人啦！」「Anita Ng」就好似睇透咗，懷疑佢：「唔通想洗底？」 ●香港文匯報記者 文根茂

嫌食材店缺「黃氣」 黃絲買肉求文宣



唔少人話人一黃腦就殘，睇嚟都唔係有道理，唔少黃店就係靠佢地呢啲單細胞生物先生存到咁耐，甚至有人發大財，但同時，你都要預咗佢地突然會提喺你黃到出面嘅要求嘅，所謂等價交換叫嘛，但有黃店就話你係「手足」，照樣公開開火。「The Beast Feast - 藏肉肉類及海產食材專門店」(「The Beast Feast」)近日喺facebook發帖，發晦氣話有冷氣黃絲話感受唔到佢出嘅貨有黃氣，應該要每份肉裡面加張文宣。老闆就恥笑：「有時唔係我想笑×啲YC(黃絲)，而係我覺得唔笑×佢地(哋)對唔住成件事。」黃店「漁一海鮮火鍋料理」早前因為用所謂「煲底」做主題，店內隨處可見「抗爭」標語，更書咗幅有周梓樂、陳彥森、「爆眼急救員」等「死傷者」嘅「打卡牆」，搞到好多人同黃店都喪關佢地毫無道理可言，

可惜仍然有低智黃絲受落，覺得咁先夠黃氣。可能因為咁，有冷氣黃絲近日評價「The Beast Feast」出嘅貨時就話：「我覺得你應該每份肉裡面加張文宣，我感受唔到啲黃氣。」「The Beast Feast」就回應：「Fine，要黃氣喇嘛，咁你去『煲底』主題樂園火鍋食嘢啲……有時唔係我想笑×啲YC，而係我覺得唔笑×佢地(哋)對唔住成件事。」

網民恥笑：要設計將肉染黃。「The Beast Feast」又話，有識得嘅人去過「煲底」，一入到個地方就感受到啲股黃氣，「『黃氣』呢個term我笑左(咗)好耐……以後我去黃店cafe，會要求佢地(哋)啲杯嘢

上面拉個『香港人加油』嘅花出嚟。」網民亦瘋狂留言恥笑。「Jenny Ho」話：「下次買塊扒，切開嗰陣，我要見到張文宣嘅中間，正如月餅夾紙仔起義咁囉！直頭要開live切嚟食。」「Man Hk」曰：「古有報紙咸(鹹)水草包肉，今有文宣黃絲帶。」「高登新聞吳中立」就問：「啲肉『紅色』唔掂，老闆有冇諗住要搞搞佢將啲肉染黃出貨……」「Jade Chan」更直呼：「每份肉加文宣，咁咪即係『好肉宣』？」其實，呢啲人唔係就唔睇到一個黃字就仆到你啲黃店幫襯，一旦佢地聰明返，你啲黃店隨時拍烏蠅咁，所以界多啲「愛與關懷」啲黃絲啦！ ●香港文匯報記者 郭家好